




Republika e Kosovës
Republika Kosovo / Republic of Kosovo
Komuna e Rahovecit
Opština Orahovac/Municipality Rahovec



Procesverbal i Dëgjimeve për
Buxhetin
e vitit 2022 dhe Kornizën
Afatmesme Buxhetore (KAB)
2022-2024
në
**SHPG “HAREJA”
RAHOVEC**



INFORMATË RRETH NJOFTIMEVE

Njoftimi për organizimin e dëgjimeve buxhetore për buxhetin e vitit 2022 dhe KAB-in për vitet 2022-2024, u publikua me datë: 17.06.2021 në ueb faqen e komunës së Rahovecit, në të dy gjuhët, në këtë vegëz: <https://kk.rks-gov.net/rahovec/wp-content/uploads/sites/23/2021/06/Kalendari-i-degjimeve-buxhetore-per-Buxhetin-e-vitit-2022-dhe-Korniza-Afatmesme-Buxhetore-KAB-te-Komunes-se-Rahovecit-per-vitet-2022-2024.pdf> dhe <https://kk.rks-gov.net/rahovec/wp-content/uploads/sites/23/2021/06/Raspored-Javni-Rasprava-za-Budzet-i-Srednjorocni-Okvir-Budzeta-Opstine-Orahovac-za-2022-2024.pdf> në harmoni me afatet ligjore që i përcakton Udhëzimi Administrativ, si vijon:

Në mbështetje të nenit 68, paragrafi 68.1 i Ligjit Nr.03L-40 për Vetëqeverisje Lokale të Republikës së Kosovës (Gazeta zyrtare e Republikës së Kosovës Nr.28/2008), nenit 17 dhe nenit 18 paragrafi 1, pika 1.7, të Statutit të Komunës së Rahovecit Nr. 1005, të datës: 29.03.2017, nenit 6 pika 1.3, i Udhëzimit Administrativ (MAPL) Nr.06/2018 për Standardet Minimale të Konsultimit Publike në Komuna, Rregullores Komunale për Transparencë me Nr. Prot. 2697, njoftojmë se nga data: 06.07.2021 deri me datë: 16.07.2021 nën organizimin e kryesuesit dhe anëtarëve të Komitetit për Politikë dhe Financa (KPF) do të organizohen pesëmbëdhjetë (15) dëgjime publike buxhetore me qytetarë, për planifikimin e buxhetit për vitin 2022 dhe KAB-in për vitet 2022-2024.

Me qëllim të rritjes së nivelit të transparencës e llogaridhënies dhe për t'i mbajtur sa më të informuar banorët e komunës së Rahovecit, rreth orarit dhe vendit të mbajtjes së dëgjimeve buxhetore, janë bërë me kohë planifikimet dhe është publikuar me kohë kalendari i dëgjimeve buxhetore për pesëmbëdhjetë (15) dëgjimet buxhetore në vendbanimet e komunës së Rahovecit në këtë vegëz: <https://kk.rks-gov.net/rahovec/wp-content/uploads/sites/23/2021/06/Kalendari-i-degjimeve-buxhetore-per-Buxhetin-e-vitit-2022-dhe-Korniza-Afatmesme-Buxhetore-KAB-te-Komunes-se-Rahovecit-per-vitet-2022-2024.pdf> më datë: 17.06.2021.

Poashtu, bazuar në afatet ligjore janë njoftuar me kohë banorët e secilit vendbanim rreth mbajtjes së dëgjimeve me anë të publikimit të secilit njoftim veç e veç, për secilin vendbanim, në ueb faqe të komunës, shtatë ditë para mbajtjes së dëgjimit në atë vendbanim.

Njoftimi për mbajtjen e dëgjimit buxhetor me grupin e Grave –Buxhetimi gjinor u publikua më datë: 06.07.2021 në këtë vegëz: <https://kk.rks-gov.net/rahovec/wp-content/uploads/sites/23/2021/07/Njoftim-per-degjim-publik-per-buxhetin-e-vitit-2022-dhe-KAB-in-2022-2024-me-Grupin-e-grave-Buxhetimi-gjinor-bizneset-dhe-OJO-te.pdf>

Njoftimet përveç që janë publikuar në uebfaqe të komunës, në Platformën për Konsultime Publike, në rrjetin social Facebook, njoftimet u janë dërguar edhe kryetarëve të këshillave të fshatrave dhe lagjeve urbane përmes rrjeteve sociale Viber dhe WhatsApp.

DËGJIMI PUBLIK ME GRUPIN E GRAVE-BUXHETIMI GJINOR

Dëgjimi buxhetor me grupin e grave-buxhetimi gjinor u mbajt në objektin e SHPG "HAREJA" në Rahovec, më: 13.07.2021 me fillim në ora 15:15.

Zyrtarët pjesëmarrës në këtë dëgjim nga KPF-ja dhe zyrtar komunal ishin: 9

- Femra ishin: 4
- Meshkuj ishin: 5

Qytetarë pjesëmarrës gjithsej të pranishëm ishin: 8

- Femra ishin: 8
- Meshkuj ishin: 0

Dëshmi janë listat nënshkruese të pjesëmarrësve në këtë dëgjim.

Dëgjinin e shpalli të hapur kryesuesi i Kuvendit Komunal, z. Afrim Dina.

Afrim Dina: Përshëndetje të nderuara, përshëndetje për anëtarët e KPF-së, zyrtarët komunal dhe ju të pranishëm. Jemi me dëgjimet buxhetore dhe jo rastësisht jemi këtu. Nuk zgjodhëm të takoheshim në sallën e Kuvendit siç kemi bërë zakonisht, por, këtë vit për respektin tuaj kemi ardhur në ambientet ku ju veproni që jemi sa më afër dhe të kemi sa më qartë kërkesat që ju do t'i parashtroni si shoqatë. E dijmë që jeni shumë aktive, për, ç'gjë ju përgëzojmë. Duke ju falenderuar për praninë tuaj ju lus që ato kërkesa që ju i shihni si prioritare t'i paraqisni.

Sadete Dula- financiere në SHPG "HAREJA" - përshëndetje të nderuar të pranishëm, faleminderit që sot keni zgjedhur të jeni këtu dhe faleminderit për përkrahjen e vazhdueshme që na keni ofruar zakonisht tash e sa vite. Ne vazhdimisht kemi kërkuar që Komuna sipas mundësive të hapin një linjë buxhetore të posaçme, për financimin e OJQ-ve që veprojnë sepse kemi mungesa dhe vështirësi financiare.

Ne kemi dërguar kërkesa vazhdimisht, por, edhe disa nga to edhe do t'i cek.

- Mirëmbajtja e objektit
- Furnizim me derivate për nxemje qendrore
- Lehtësi në hapjen e biznesit për gra
- Kondicioner 4
- Renovimi i objektit nga jashtë
- Printer dhe kompjuter

Fatlume Vuçiterna- fizioterapeute në shoqatë: shprehu shqetësimin për mungesën e mjeteve fizioterapeutike të cilat po i krijojnë vështirësi në mbarëvajtjen punës me fëmijë me nevoja të veçanta. Kërkesat e saja ishin:

- Shtretër
- Shkallë suedeze
- Pasqyra fizioterapeutike
- Topa gjimnastik

Dëgjimi publik me grupin e grave përfundoi në orë 15:45.

Blerta Gashi

*Zyrtare përgjegjëse për koordinimin e dëgjimeve,
konsultimeve dhe takimeve publike*

Rahovec,
gusht 2021